

Visoki predstavnik i specijalni predstavnik EU Inzko sastao se sa zvaničnicima SAD-a



Visoki predstavnik i specijalni predstavnik Evropske unije, Valentin Inzko, u protekla dva dana u Washingtonu je vodio razgovore na visokom nivou tokom kojih je u kratkim crtama objasnio izazove sa kojima se Bosna i Hercegovina suočava na svom putu ka evroatlantskim integracijama.

Tokom razgovora sa visokopozicioniranim američkim zvaničnicima iz State Departmenta i Vijeća za nacionalnu sigurnost, visoki predstavnik i specijalni predstavnik EU Inzko naglasio je potrebu za brzim formiranjem vlasti na državnom nivou.

Politički lideri moraju promijeniti kurs i ponovo stvoriti pozitivan trend za provođenje reformi. „Izbori pružaju šansu za novi početak“, rekao je Inzko. „Lideri BiH trebaju iskoristiti ovu šansu. Oni će snositi odgovornost za razvoj i napredak njihove zemlje u sljedeće četiri godine.“

Među ključnim izazovima nalaze se povratak BiH na put evroatlantskih integracija te postizanje saglasnosti o sveobuhvatnoj ustavnoj reformi. Ovi procesi trebaju jaku podršku ključnih faktora kao što su SAD i EU.

Visoki predstavnik će sutra (11. novembra) održati govor na Univerzitetu Columbia, prije no što Vijeću sigurnosti Ujedinjenih nacija prezentira izvještaj koji se odnosi na period od 1. maja do 22. oktobra 2010.